

TERMA DAN SYARAT
KEMPEN JOM BERAYA, JOM MENYIMPAN 2021

KEMPEN

1. Kempen 'Jom Beraya, Jom Menyimpan' diteruskan lagi pada tahun ini bagi meraikan kemeriahan Aidilfitri yang akan dirasai bersama oleh masyarakat majmuk di Malaysia. Kempen ini adalah tanda penghargaan Perbadanan Tabung Pendidikan Tinggi Nasional (PTPTN) kepada rakyat Malaysia kerana memilih Skim Simpanan Pendidikan Nasional (SSPN) sebagai pilihan utama untuk simpanan di musim perayaan.
2. 'Jom Beraya, Jom Menyimpan' mencerminkan keprihatinan PTPTN agar rakyat Malaysia sentiasa mengutamakan simpanan demi masa depan walaupun menyambut perayaan dalam norma baharu agar kekal meriah.
3. Kempen ini terbahagi kepada 2 peringkat :-
 - a) Peringkat Negeri
 - b) Peringkat Nasional

TEMPOH KEMPEN

4. Tempoh kempen bermula **1 Mei 2021 sehingga 31 Mei 2021**.
5. PTPTN mempunyai hak mutlak menukar atau meminda tempoh kempen ini sekiranya perlu tanpa memberi sebarang notis terlebih dahulu.

KELAYAKAN UMUM

6. Terbuka kepada pendeposit SSPN;
7. Kempen ini **TIDAK LAYAK** disertai oleh kakitangan PTPTN dan ahli keluarga (merangkumi pasangan dan anak-anak);
8. Pendeposit perlu membuka akaun atau membuat penambahan simpanan dalam tempoh kempen;
9. Bilangan cabutan mengikut simpanan bersih yang dibuat oleh pendeposit SSPN;
10. Pendeposit perlu memastikan akaun kekal aktif (akaun tidak ditutup) sehingga tarikh cabutan.

KELAYAKAN KHAS

11. Peringkat Negeri

- Bilangan cabutan adalah berdasarkan kepada setiap simpanan bersih bernilai **RM100** bersamaan dengan satu (1) cabutan. Tiada had bilangan cabutan;
- Penentuan kelayakan cabutan Peringkat Negeri adalah berdasarkan alamat surat-menyerat pada akaun yang terakhir dibuka oleh pendeposit.

12. Peringkat Nasional

Bilangan cabutan adalah berdasarkan kepada setiap simpanan bersih bernilai **RM300** bersamaan dengan satu (1) cabutan. Tiada had bilangan cabutan.

13. Pendeposit layak untuk cabutan Peringkat Negeri & Peringkat Nasional sekiranya simpanan bersih adalah sekurang-kurangnya **RM300** di dalam tempoh kempen.

HADIAH KEMPEN DAN TUNTUTAN HADIAH

14. Kempen **Jom Beraya, Jom Menyimpan** menawarkan hadiah berikut:-

a) Peringkat Negeri

Hadiah	Bilangan Hadiah
Pertama : Duit Raya bernilai RM5,000	1 x 14 Negeri
Kedua : Duit Raya bernilai RM3,000	1 x 14 Negeri
Ketiga : Duit Raya bernilai RM500	1 x 14 Negeri
Saguhati : Duit Raya bernilai RM100	22 x 14 Negeri
Jumlah Keseluruhan	350

b) Peringkat Nasional

Hadiah	Bilangan Hadiah
Pertama : Duit Raya bernilai RM8,000	1
Kedua : Duit Raya bernilai RM6,000	1
Ketiga : Duit Raya bernilai RM4,000	1
Saguhati : Duit Raya bernilai RM200	147
Jumlah Keseluruhan	150

15. Pemenang akan dimaklumkan melalui surat/ email/ panggilan telefon atau kaedah penyampaian lain yang bersesuaian.

16. Hadiah tunai yang dimenangi akan dikreditkan ke dalam akaun Skim Simpanan Pendidikan Nasional (SSPN-i) dalam **tempoh dua (2) bulan** dari tarikh cabutan. Sekiranya pemenang tidak mempunyai akaun SSPN-i, pembukaan akaun akan dibuat berdasarkan kepada butiran akaun di SSPN-i Plus.

17. PTPTN berhak secara mutlak untuk menukar atau menggantikan hadiah lain dengan nilai yang setara dengannya tanpa perlu memberi apa-apa notis pertukaran tersebut.
18. Hadiah yang dimenangi tidak boleh ditukar atau dipindah milik sama ada sebahagian atau keseluruhannya kepada bentuk lain selain yang ditetapkan oleh PTPTN.
19. Pemenang hendaklah bertanggungjawab ke atas apa-apa caj yang boleh dikenakan terhadap mereka di bawah undang-undang, jika berkenaan.
20. Pemenang perlu menanggung semua kos tuntutan hadiah dan kehadiran ke majlis penyampaian hadiah, jika berkenaan.
21. Sekiranya pemenang meninggal dunia, waris yang sah boleh menuntut hadiah dalam **tempoh dua belas (12) bulan** daripada tarikh cabutan.
22. Pemenang atau warisnya dianggap telah melepaskan hak mereka jika gagal menuntut hadiah dalam tempoh yang ditetapkan.
23. Keputusan pemenang yang diumumkan oleh PTPTN adalah muktamad. Sebarang surat menyurat, pertanyaan, rayuan, bantahan atau apa-apa cubaan untuk mempertikaikan keputusan adalah tidak akan dilayan.

PERUNTUKAN UMUM

24. Sebagai pendeposit yang mempunyai akaun aktif, pendeposit dianggap telah membaca, memahami dan bersetuju dengan terma dan syarat yang ditetapkan dan membenarkan butiran peribadi mereka termasuk tetapi tidak terhad kepada data peribadi untuk digunakan bagi tujuan kempen.
25. PTPTN berhak meminda, membatalkan atau menambah mana-mana terma dan syarat di dalam kempen ini sama ada secara keseluruhan atau sebahagian tanpa notis terlebih dahulu. Pindaan, pembatalan atau penambahan tersebut adalah dianggap mengatasi pernyataan seperti mana yang terkandung di dalam bahan kempen pengiklanan yang berkaitan dengannya.
26. PTPTN berhak untuk membatalkan, menamatkan atau menangguhkan kempen ini dengan atau tanpa notis terlebih dahulu dan/ atau tanpa memberikan apa-apa sebab kepada mana-mana pendeposit. Untuk mengelakkan keraguan, sebarang pembatalan, penamatan atau penggantungan kempen ini oleh PTPTN tidak akan memberi hak kepada mana-mana pendeposit untuk apa-apa tuntutan atau pampasan terhadap PTPTN ke atas apa-apa dan/ atau keseluruhan kehilangan, kos, perbelanjaan atau kerosakan yang ditanggung atau dialami sebagai kesan langsung atau tidak langsung daripada pembatalan, penamatan atau penggantungan tersebut.
27. PTPTN tidak bertanggungjawab ke atas penghantaran penyertaan yang lewat, hilang, tidak lengkap, tidak diserahkan, ditangguhkan, rosak atau salah arah sama ada disebabkan kesilapan, peninggalan, pengubahan, gangguan, penghapusan, kecurian, pemusnahan atau sebaliknya.

28. PTPTN berhak membatalkan sebarang penyertaan tanpa sebarang notis, sekiranya didapati pendeposit tidak layak dan tidak mengikut terma dan syarat yang telah ditetapkan.
29. Penyertaan pendeposit dalam kempen ini adalah atas risiko pendeposit sendiri. PTPTN tidak akan bertanggungjawab di atas sebarang kecederaan, kehilangan, kerosakan atau tuntutan akibat penyertaan tersebut.
30. Segala terma dan syarat yang terdapat di dalam dokumen ini dan juga sebarang keputusan yang dibuat oleh PTPTN berhubung kempen ini adalah muktamad dan konklusif. PTPTN tidak akan melayan sebarang rayuan atau pertikaian melibatkan keputusan yang telah dibuat.
31. PTPTN boleh menggunakan penyertaan pendeposit termasuk tanpa terhad kepada gambar, lukisan, teks, dan kandungan atau maklumat lain yang dikemukakan untuk tujuan kempen (secara kolektif dinamakan "Bahan"), dan nama pendeposit, dan/atau persamaannya, untuk tujuan pengiklanan, publisiti dan kempen mana-mana barangan atau perkhidmatan PTPTN, untuk tempoh tidak terhad di seluruh dunia tanpa pampasan, dan dalam mana-mana media. Pendeposit hendaklah melakukan segala perkara yang perlu untuk tujuan ini jika diminta oleh PTPTN.
32. Segala surat-menyurat yang dihantar ke alamat terakhir mengikut rekod PTPTN adalah dianggap telah diserahkan kepada pendeposit.

Maklumat dikemas kini pada 16 April 2021